

Les plus anciens documents linguistiques de la France
Corpus : (chOccAnc5)
Responsable du corpus : Martin Glessgen
Édition de la charte : C. Brunel

chOccAnc460

Édition critique

1182, décembre.

Type de document: Charte: donation.

Objet: Don à l'abbaye de Bonnetcombe par Oalric d'Albi, de ses droits seigneuriaux sur divers biens.

Auteur: Oalric d'Albi.

Bénéficiaire: Abbaye de Bonnetcombe.

Lieu de conservation: Archives départementales de l'Aveyron, abbaye de Bonnetcombe (comm. de Comps-la-Grand-Ville, cant. de Cassagnes-Begonhès, arr. de Rodez), Bernac, liasse 1, pièce 1.

Édition antérieure: C. Brunel, Les plus anciennes chartes en langue provençale. Supplément (Paris, 1952), p. 96-97.

Transcription de la charte

1 Conoguda causa sia als homes *que* aquesta carta veirau ni audirau
2 que eu Oalrics d-Albi e-meï effaint **3** donam et assolvem e-
 guirpem \2 e desemparam per jasse, **4** a Deu et a-sancta Maria et a-
 n Ponzo l-abat de Bona Comba, et a-totz los autres morgues et als
 fraires *que* aras so e-la \3 maio de Bona Comba ni ad enant i serau,
5 totz los cesses els servicis e-totas las autras seinnorias *que* nos
 aviam e-las maios ni e-las cortz d-en \4 Guillem Got, ni e-las maios
 ni e-las cortz d'en Peiro de Brossa, e-totas las seinnorias *que* nos
 aviam e-la vinna *que*-fo d-en Guiral Agassa, *que*-es e-Falgai\5rac, els
 intras els issirs d-aquestas honors sobredictas. **6** E-l aiga *que* ve per
 la-via del vallat deu capdellar Raimuns de Brossa la terza part, e-n \6
 Guillems Gotz e-Peire de Brossa las doas partz, et aizo laudei eu
 Oalrics *que* en aizi capdelleso aquesta aiga. **7** Tot aizo sobredig
 enteiramente, o-meils nos ó i \7 aviam ni om o-avia ni ó tenia de nos,
 vos donam eus assolvem eus guirpem eus desemparam per jasse,
 senes reteguda *que* non i-fam de re, nos ni hom per nos. **8** \8 Et eu
 Poncius, abas de la-maio de Bona Comba, e-li autrei frairei de la
 maio, per hamor de Deu e de s. Maria, recebem e-prendem e-la
 maio Guillem \9 d-Anaveils ^[1] a-fraire segon la forma del orde, et
 acoillem n-Oalric els bes faigs de nostra maio. **9** Et eu Oalrics e-meï
 efaint avem donat aquest do \10 sobredig e-la maio de Bona Comba
 per Guillem d-Anaveings *que* au receut e-pres e-la maio. **10** E
 Guillems de Canaveils ans donadas totas las \11 suas dreitures on q
 ue las aia ni aver las deia. **11** S. S. Peiro Bernat, en Peiro Jorda, en R.
 de la Vaur, en Raimun de Combaiol, en \12 Esteve Rafanel, en
 Campainnac, en Jhatbert de Foissenx, en Jhoanz cavaller, en R.
 Emergau, en W. de Calms, en Aimeric de Foissenx en \13 Durant de
 Mazeiras, P. de Cambairac. **12** Willelmus scripsit in anno ·M^o·C^o

·LXXX^o·II^o·, in mense decembris ^[1].

Notes de transcription

^[1] Le scribe avait d'abord écrit *de* [9] *canaveils*, il a effacé *de* et surchargé *c* en *d*.
Cf. ligne 10.

Notes linguistiques

^[1] Suit l'acte n° 529.